

Abonnement pour un an

250 piastres

Adresse :

Idjtihad Constantinople

Téléph: St, 865

XIX^{ème} ANNÉE

1 Fevrie 1924 — No 162

اجتهاد

فلسفی ، اجتماعی ، ادبی ، اقتصادی مجموعہ

آبونمان : سنہ لکی [۲۴ نسخہ]

داخل ایچون ۲ ، خارج ایچون

۲ بچق ایرادر .

ادارہ خانہ سی

جفال اوغلندہ « اجتهاد ٹہوی »

تلفون : استانبول ۸۶۵

اون طقوزنجی سنہ

نومرو ۱۶۲ - اشباط ۱۹۲۴

محاضرة زراعية

- ۸ -

لازم كن یرلرده قارا صابانلری قوللانایلیرز ؛ داهاییسی
خفیف سورمه ایشلرنده اولیوهر صابانلرینی ترجیح
ایدیلیرز . بویله یرلرده توپراغك قوتی یوزنده اولدینی
ایچون داهادهرین کیدن پولوقلر قوللانیلماز . فقط
توپراغی برآز داهادهرین ایشله مك لازم کلدیکی صورتده ،
مثلا روتساق پولوقلری ایشه یارار . کیریزمه ودهرین
سورمه ایشلرندهد برابان پولوقلرندن استفاده ایدیلیر .
لکن بعض دفعه ، توپراغك آلت طبقه سنی ، دائما سورولوب
ایشلنن اوست طبقه سیمله قاریشدرمامق و فقط بو آلت
طبقه یی ده یومشامق و بو سایه ده کوکرك داهادهرینه
کیمه سنی تامین ایتك لازم کلیر . اوزمانده - آرایجی -
دیلان پولوقلره احتیاج کورولور . بو پولوقلر توپراغی
قاریشدیروب و یومشادوب یینه اولدینی یرده براقیرو آلتی
او تنه چیقارماز . بواضا حادتن آکلا یورز ، که زراعتده
کوروله جك باشقا باشقا ایشلر واردر و بوایشلرکهرینه
مخصوص آلتلرده اختراع ایدیلشدر . بویله بربرینه
بکیزمه یین و مختلف آلتلره یایلمق لازم کلن ایشلری
واحتیاجلری میدانه چیقاران سبیلری بیلک ضروریدر .
بواحتیاجلر تخلف ایتدیکجه زراعت آلتلرینه ده بربرینه
بکیزمه یین شکلر ویرلدی و اقلیمه ، توپراغه ، آکیله جك
شیلره ، وسائط جریه یه کوره باشقا باشقا آلتلر وجوده
کتیرلدی . زراعتده استحصال اصوللری تکامل ایتیه
باشلادقن و بعض ایشلرده اختصاصه لزوم کورولدکن
صوکرآ ، تقسام اعمالده کندیلکندن حصوله کلدی .
فقط زراعتده بوانقسامك محدود بر حالده قالدیغنی خاطرندن
چیقارمامالی در . باغچیلق ، باغچوانلق ، پاموخلیق و امثالی
ایشلرده اختصاصه لزوم واردر . شو قدارکه بو اختصاص
بزی باشقا باشقا آلتلری قوللانمایه مجبور ایتز . زراعت
عادیه ده قوللانیلان صابانلر ، پولوقلر و تیرمقلره باغلی ،
باغچلری و پاموق تارلالرینی سوروب حاضر لامق ممکندر .
زراعتك اك مهم آلتلری اولان چایا ما کینه لری ده بوتون
بوایشلره یارار .

بوندن صوکرآکی محاضره مزده یینه زراعت آلتلرندن
بحث ایده جکیز .

مسیح نظام

هرهانیکی شکله برپوللوغك اعمالی ناصیل حسابات
فنییه مستند اولق ضروری یسه بویله بر آلتك شو ویا
بو ایشده قوللانیلماسی ده علمی تجربه لره متوققدر .
برپوللوغك بیجاغنه ، بر تیرمقده کی دیشلره و یریه جك
شکل و وضعیت تعیینی ظن ایدلدیکی قدار قولای برایش
دکدر . آوروپادن کلن پولوقلره تقلیداً بزده یاسیلان
آلتلرک هرچ برایشه یارامادیغنی بالتجربه بیلیمورز . هر نه
'ولور ه اولسون ، بوکونك شرائط زراعیه و اقتصادیه سینه
کوره بزده کندی مملکتلر مزده زراعت میخانیکیه یه
طرفدارز . یالکیز بوکا متعلق مساعینک صنعت زراعت
واقف اولان آداملر طرفندن تهظیم ایدیله سنی ایسته یورز .
بز ، زراعتده سریع انقلابلردن فائده یرینه ضرر
کوروله جکینه اینانیرز . بونك ایچون ، هنوز پك ابتدائی
بر حالده قالمش اولان و بوراده ایضاحی ممکن اولمایان برچوق
سبیلردن طولانی ، داهاد اوزون برمدتده بو طرزده دوام
ایتمه سی لازم کلن زراعتمزك « انقلاب » ایله اولمقدن
زیاده « تکامل » ایله ایله ری کوتوریله له جکینه قائل
اولیورز : مثلاً ، بز کویولر مزك قوللانیدیلری قارا
صابانلرک قالدیریلوب آتیلما سینه طرفدار اولاماز . چونکه
بوسیط و ابتدائی آلتك ده کوره جکی ایشلر واردر .
بوایشلری پولوقلره یایمق ممکن ده کدر . کورهلری
قاریشدرمق ، تخم اورتک ، آکیز بوزمق ، تارلالری
هوالاندیرمق ، ایکیله مه یایمق .. کی ایشلرده قاراصابانلرک
پك آبی قوللانیلایله جکینی کیم انکار ایده یایر ؟ بونك
کی ، قابلی ناداسده آچیق ناداس اصولنه ترجیح ایدیلک
لازم کلیر . فقط زراعت متناوبه کی علمی بر اصول زراعتك ،
بر چوق سبیلردن طولانی ، یاپیلامادینی بر مملکتده
آچیق ناداسده لزومی وفائده لی در . چونکه زراعت
واسعه ده قابلی ناداسدن استفاده یه امکان یوقدر .

زراعت آلتلرینک تنوعنه باعث اولان احتیاجات
زراعیه اولدیغنی سویه مشدک . تارلالری یوزدن سورمک